

يا وجع قلبي يا.. بلدي...!!

آه... يا وجع قلبي

عليكي يا بلدي

وعلى ولادك الطيبين

اللي راحوا غدر

على أدين غدارين

مجرمين وسفاحين

استحلوا الدم..

واستهانوا بالدين

وفي يوم عظيم ..

عند رب العالمين

ومن غير رحمه..

قتلوا كل المصلين

الراكعين الساجدين

يا وجع قلبي..

ع العيال الصغيرين

اللي راحوا الجامع..

مبسطوين وفرحانين

مع الشيوخ والمسنين

والشباب المؤمنين

وكانوا كلهم قاعدين..

آمنين مسالمين

فدخلوا الكفرة ..

وقتلوهم أجمعين

دول لا يمكن أبدًا ..

يكونوا بني آدمين

دول كلهم ملاعين

أولاد شياطين

لعنة الله على الظالمين

الفاستين المفسدين

بس اللي مصبر قلبي

إن كل الشهدا الراحلين

ع الجنة على طول رايعين

والملايكة زفاهم

وهما مهللين مكبرين

فيا بختهم يا هناهم

وهما عند ربنا مكرمين

وفي رياض الجنة منعمين

ومع الأنبياء والأولياء

قاعدين متجاورين

وهيدعوا ربنا ..

ع الظالمين

ويدعوه يحفظ بلدنا

وينصرها على الحاقدين

الخونة والمتآمرين

قولوا معايا آمين

يا رب العالمين..

